

167
DISSERTATIO INAUGURALIS MEDICA,
DE
MEDICINA STRA-
TEGEMATICA,

Quam.

AUSPICE DEO PROPITIO

Et Consensu atque Auctoritate Gratiſſæ Facultatis Medicæ,

IN ALMA REGIA FRIDERICIANA,

P R Æ S I D E

DN. D. MICHAELE ALBERTI,

CR. MAJ. REG. BORUSS. AULICO ET CONSIST. MAGDEB. CON-
SILIARIO, MED. ET PHILOS. NATUR. PROFESSORE PUBL. ORDIN. ACAD.
NAT. CUR. COLLEGA, SOCIET. REG. BORUSS. SCIENT. SODALI, ETC.

DN. DECANO H. T. SPECTATISSIMO,

Domino Patrono ac Promotore suo omni honoris cultu prosequendo,

PRO LICENTIA

COMMISQUE IN MEDICINA HONORIBUS ET PRIVILE-
GIIS DOCTORALIBUS LEGITIME IMPETRANDIS,

HORIS LOCOQUE CONSUETIS

ANNO MDCCXXIX. D. NOVEMB.

PUBLICÆ AC PLACIDÆ ERUDITORUM VENTILATIONI
SUBJICIET

R E S P O N D E N S

GEORG. CHRISTIANUS LANGE,

THURING. ROSSLEBIENSIS.

ROBERTSON'S STRA

D. MICHAEL ALBERT

RE CHRISTIANUS LANGE



PROOEMIUM.



*D*olo caret, qui jure suo utitur, Juris Regula est L. 55. ff. hac regula & hoc jure fruuntur etiam Medici, dum ob rerum certas vicissitudines & necessitates, interdum quædam in ægrorum, aut in ægrotationes valde inclinantium hominum, salubritatem suscipiunt & inveniunt, imo præcipiunt & instar Regulæ commendant, quæ pro dolo, astu, strategemate & deceptione in sensu & respectu indiscreto haberi queant: interim suo jure medici utentes & pro circumstantiarum ratione procedentes, dolo utique carent: Si itaque juxta *Aristotelem Phys. Lib. II. c. 2. & Meteor. Lib. 4. c. 3. ars naturam imitatur*, aut juxta *Senecam ep. 65. ars naturæ imitatio* est, ita Medici officium artificiumque est, ut Naturæ languenti, aut excedenti, tanto magis suis negotiis incumbenti, prospiciat, ne aut turbetur,

aut in errore obfirmetur, aut in defectu magis opprimatur; quare Medicus conscientiosus cum apostolo 1 Cor. 9. v. 22. eloqui potest: *fui infirmis perinde ac infirmus, quo infirmos lucrifacerem: denique quibusvis, quidvis fui ut omnino aliquos servarem: & quamvis interdum penitus Medicus, aliqua in artis suæ studio committat, quæ ægrum callide circumvenire videntur, tamen non modo salutaris scopus, sed & opportuna expectatio occasionis satis dolum, sensu communi acceptum, excusant; hinc Medici etiam studium esse debet, ut arte sua naturam, (videlicet justo ordine,) imitetur & quod ea desiderat, inveniat, juxta Ciceronis ad Herenn. verba lib. 3. c. 22. Quando etiam Jcti de dolo malo & licito distincto significato & applicatione loquuntur & licitum, quem etiam bonum nominant, dolum, solertiam laudabilem esse appellant, qua adversus hostem latronemque quis machinatur in l. 1. §. 3. de dolo malo, ita Medicis tanto magis ex arte & jure licitum esse potest, si graves morbos in ægrotorum salutem profligaverint, modo nihil contra gloriam DEi, integritatem conscientiae & ipsius artis celebritatem contingat: quocunque enim modo medicus religiosus, conscientiosus & peritus morbi vim invertere & extinguere potest, id jure artis procedet: quamobrem non omne quod vulgo dolosum vocatur, actu tale, nedum malitiosum, aut respectu afflicti subjecti absolute insidiosum est: quando vero, quisquam causæ perniciosæ & morbosæ qualemcunque ingeniosam & inventiosam, sive prudentem & peritam, subjugationem dolosam nuncupare*

cupare mallet, minus proprie id ipsum vindicaret: *Practica* enim in sensu bono est *multiplex*, & si *necessitas* nullam legem habet, sequitur, in foro Medico varias inventiones locum obtinere, modo nihil superstitiosum & contra conscientiam suscipiatur: itaque ex *Galeno lib. 6. epid. comm. 2. text. 43.* refert *Rejes Camp. Elys. juc. quæst. 12. n. 1.* *Galenus* aliquid hujusmodi permittere videtur, cum medicum instruit, circa timidum ac stultum ægrum versantem, apud quem multa, quæ illum ad meliorem frugem reducant, constantiam atque animum addant, præfari vult: nec tamen inquit, magnopere mentiaris: & parum infra de eisdem loquens: salutem polliceri tentato, non ut aperte mentientes faciant: sic aliquando medica ars & disciplina implere debet, quod naturæ deest, id quod de omni arte *Aristoteles l. 8. Polit. c. 17.* professus est: in talibus itaque intricatis casibus ars etiam longa & exercitata requiritur: etenim interdum ejusmodi casus obtingunt, in quibus salutaria remedia exoptatum effectum præstare haud possunt, quando videlicet subtiles causæ in animo & imaginatione subsistentes, resistunt: hinc recte *Philo in lib. de somniis* judicat: *Brevis vita, ut quidam inquit, ars longa, cujus amplitudinem is optime cognoscit, qui in eam descendit profundius, tanquam puteum fodiens, qualis quidam jam canus decrepitus capularis Senex, illacrymasse fertur, non ob ignaviam metumve mortis, sed scientiæ desiderio, quasi tum primum eam adiret, quando relinquenda erat: quam ob rem prudens medicus ad imitationem Apostoli 2 Cor. 7. v. 8.* eloqui potest: *etiamsi vos dolore adfecerim, non me pœnitet, video enim, quod quantum ad epistolam istam, licet*

ad tempus affecerit vos - - - ut in nullo damnum haberi-
zis ex nobis: & licet nonnunquam videatur, quod
Medicus ægrum astu, aut deceptione quadam affe-
cerit, tamen in salutem afflicti, non in commodum
Medici hæc tractatio cedit: ingeniositatem itaque,
non prohibitum astum, nonnullæ medicationes sa-
piunt, quibus interdum obstacula removentur ma-
gna, & præjudicia aut corruptæ imaginationes leni-
untur: quam ob rem Barclajus in Icone anim. c. 2. p. 57.
astum pro ingeniositate, quæ inter Græcos floruit, de-
claravit: & quamvis talis astus nonnunquam pro
malitia, astutia, deceptione & dolo malo accipiatur,
tamen Buchnerus in Barclajum commentans de voce
astus adserit, quod ista vox tam germanica, quam lati-
na non ad culpam solum, verum etiam ad laudem possit u-
surpari: ad laudem videlicet, quando usui est reipublicæ,
nec incommodum affert; hinc ab eodem Barclajo c. 10. p.
315. veterum prudentia & astus in admirationem du-
citur. Propterea requisitum judicii practici & pru-
dentiaæ medicæ est, ut pro circumstantiarum varie-
tate & conditione consilia insolita neque communi-
bus præceptis, methodis, regulis & formulis con-
formia, causæ tamen & subjecti qualitati responden-
tia, interim ad salutarem finem impetrandum ido-
nea, inveniantur & applicentur: quare medicus ta-
lis ingeniosus & judiciosus non ægrum fallit & deci-
pit, sed in ægri salutem aut id, quod in morbo per-
niciosum est, aut quod salutarem successum & exi-
tum impedit, decipit, intercipit & prosternit, ut
finis hujus actionis sit Salus ægroti: ita Valeriola cap.
7. enar-

7. enarrat. 6. dolo bono interdum cum ægris agere non solum medicum licere, sed necessarium esse, affirmat: quoniam itaque hanc methodum omnes judiciosi medici admittunt, ita huc quadrat *Aristotelis* effatum *Lib. 1. topic. cap. 10.* illa quisque admittere solet, quæ probantur iis, qui in quaque arte versati sunt. Profit ut ægrotis, medicam nil dedecet artem, id fiat salva relligione modo eloquimur cum *Michaele Ayala* in suis epigrammat. quo valet, quod *D. Augustinus* in *Enchir.* profitetur: multum quippe interest quo animo & de quibus rebus quisque mentiatur. Prout etiam in variis casibus imaginatio salutarem artis medicæ scopum valde turbat, impedit & invertit, id quod *D. D. Præses* in *disp. de usu, usu & abusu phantasie in Medicina* demonstravit. conf. *Bohnius* in *tr. de offic. Med. dupl. Part. I. c. 14. p. 287.* sub tit. marginali: *Medicamenta phantasie vis immutat*, ita nonnunquam peculiari modo perversæ imaginationi subveniendum est, quo reliqua medendi methodus & morbi status melius decurrat: hanc observationem curatius advertentes, dignum judicavimus, quo de eadem sub titulo **MEDICINÆ STRATEGEMATICÆ** nonnullas in Praxi Medica selectas animadversiones præsentī Inaugurali Specimine proponamus & commendemus; cui instituto ut benignissimus **DEUS** clementia sua adsistat, humillime rogamus.

§. I.

NE præsentis scopi titulus *exosus & præjudiciosus* videatur, ante omnia necesse ducimus, quo illius *integritatem* probemus, insuperque indicemus, *quænam* sub eodem tractanda occurrant: in *communi* quidem significato valde *suspecta* æstimantur. *Strategemata*, siquidem *fraus, dolus, deceptio, fallacia, impostura &c.* aliquando pro *synonymis* accipiuntur vocibus; ast in *primo* suo significato *strategemata* actionem quandam *militarem*, præcipue *virtuosam, ingeniosam, distincte prudentem, ad prosperam* quandam expeditionem, in hostis *inopinatam* subjugationem sub *intricatis & difficilibus* circumstantiis, abeuntem, denotant; quo itaque *prudens astutia* requiritur, qua *adversa* pars suum hostem *haud* præparatum & huic actioni *resistentem*, neque illam *prævidentem*, circumvenit & vincit: inde innotuere *strategemata Bellica*, quæ ducis alicujus *prudentiam, vigilantiam, experientiam, judicium, inventiones, ingenium, solertiam & dexteritatem* probant, quare *virtutibus heroicis* adnumerari possunt: sicut vero omnis actio bona etiam *male administrari*, aut *pravis* qualitatibus contaminari potest, ita dantur *strategemata honesta & licita*, alia vero *mala & illicita*: quare Gerdesius in *conclusionibus Juridicis de Evrematicis Sect. I.* dicit, quod *bellica strategemata concessa sint jure HUMANO L. nib. interest. 2. ff. de captiv. & postlim. revers. DIVINO Jos. 8. ubi August. qv. 8. Deut. 16. v. 1. 1 Sam. 5. v. 23. Judith. c. 13. Danæ. lib. 7. polit. christian. c. 6. Et MORIBUS Gentil. de jur. bell. lib. 2. c. 3. Polian. in tr. de stratag. Lipsiens. lib. 5. Polit.*

Polit. c. 17. Boter. de stratag. lib. 9. haud itaque cum bonestis talibus actionibus in *arduo & intricato* rerum statu ingenioso modo *exoptatum* exitum obtinentibus, confusio committi debet cum malo dolo & fraudulenta, iniqua, prava, malitiosa & illicita operatione: unde etiam germanicae aut aliae voces *Sinden, Räncke, Griffe, Stückgen, Streiche, Practiquen, Finessen, Sophistereyen, Chicanen, Betrug, Argelist, Hintergehung, Causen-Macheren* &c. non promiscue pro strategemate accipi debent: ob id etiam *JCti* ingeniosas suas actiones, quas interdum *strategemata* nominare solent, *vindicant & salvare* student. *conf. Gerdesii cit. disp. de evrematicis s. strategematibus juris, vulgo von Juristischen Sindgen, Trautmann de strategematibus Advocatorum, vulgo von Advocaten = Streichen, Hartung de astu jure non improbo, von zugelassener List und Ränck:* & quamvis *improbum & iniquum* existat, si Medici *illicitis* fraudibus utuntur, id quod *peculiari* observatione *Riedlinus in Lin. Med. An. V. Mens. August. obs. 21. p. 858.* testatur, insuperque omnes *ingenui* Medici confitentur, tamen inter ipsos *Medicos* quæstio ventilatur: an in *certis* casibus *liceat Medico ægrotum fallere?* de qua quæstione *peculiarem lib. prodidit Gabr. Naudæus. conf. etiam Cosp. Rejesii Camp. Elys. juc. Qv. XII. sub tit. an salutis causa liceat Medico ægrum decipere. Bobnius de offic. Medic. dupl. Part. I. cap. 4. p. 88. 89. Guibertus de Medico officioso Part. 2. probl. 6. Roderic. à Castro in Medico Politico. Freudenberg de abusu & impostura Medicantium, Mauriti. Hoffmannus de Prudentia Medica, Freitag in Noctibus Medicis, Tidicæus de abusu Medicinæ: unde Zacut. Lusit. in Med. Princ. Hist. Lib. I. hist. 37. obs. 39. p. 75. dicit: Melancholici si*

B
arte

arte curari non possunt, industria & fallacia opus est, quibus sanari experientia confirmat; quo etiam pertinent verba Castelli de optimo Medico p. 46. non semper Medicus artis præceptis & regulis, sed etiam ingenio & astu sanitatem restituit; Heurnius in Methodo ad Praxin lib. 3. c. 28. circa finem eloquitur: astu quæ fit curatio, interdum non minus valet, tota magia, est enim instar strategematis in medicina, & Petrus Petitus Medicus Parisiensis in Comment. in Aretæi Libros p. 73. dolum bonum ad ægroti salutem directum Medicis concedit, Platonisque atque Galeni authoritate confirmat: vid. A. E. L. An. 1728. Mens. Mart. p. 109: plura hoc loco de Medicis proferre possimus testimonia; aliqua illorum reservabimus ad specialiores hujus thematis explicationem: suffecerit in limine ex suffragio multorum probasse, quod ingenua salutaris finis prosecutio, methodo etiam extraordinaria instituta, modo gloriam Dei, proximi salutem & propriam conscientiam non violet, licita & in variis casibus necessaria, imo prudentiæ regulis conformis & adæquata existat: & sicut dolus in genere machinatio dicitur, alium scienter & maligno animo lædendi, uti Trautmannus in disp. cit. cap. 1. §. 1. p. 6. allegat, ita præsentis instituti actio, minime dolosa, licet ingeniosa, neque malitiosa & perniciofa, sed potius fructuosa & præcipue ægro salubris existit, quare ab omni mala fama & culpa libera, quin rectius proba, honesta & licita est.

§. II.

Ne vero malus sensus titulo nostro imponatur, per Strategema, nostro scopo conveniens, intelligimus actionem ingeniose sub intricatis & difficilibus circumstantiis objecto, subjecto & rei adversis, inopinato accidentem attamen ad solu-

solu-

salutarem finem inventam & perductam: qua ipsa definitione non discedimus a *generalistrategematis* acceptione, siquidem in foro *Medico* sub ejusmodi conatu *prudens* artifex aut cum *animo* ægrotantis, vel *moroso*, vel *timido*, vel *præjudicante* & perversa *imaginatione* operoso, vel per *connexionem* cum ipso *corporis* morbo commercium habet, ita ut tali *ingeniosa* actione *animum afflictum*, *perturbatum*, *sollicitum* & *anxium* *justo* modo *leniat*, *circumveniat*, *demulceat* & *corrigat*; & sicut vis *animi* & *imaginationis* præcipue *magna* est in *corpus*, ita etiam in *variis* casibus *facilius corporis morbus* mitigatur, si *animus* in *tranquillitatem* convertitur: unde *præcipue* hæc *Medicina strategematica* *animi præoccupati*, *renitentis*, *falsa imaginatione* operosi, *nimis sensibilis*, aliquando *perturbati*, *contumacis*, *immorigeri* &c. *mitigationem* respicit: hic *animus* talibus qualitatibus præditus est, *quasi hostis* ille, quem *ingeniosus* & *iudiciosus Medicus* interdum *singulari recto* & *secreto* modo *circumvenire*, *complacare*, *lenire* aut *plane subjugare* debet: id quod imprimis in *illis morbis* locum invenit, ubi *præter* *morbum corporis*, *animus* etiam ægrotat, aut in *aliis* casibus, ubi *propter* *afflictum* & *perturbatum animum* etiam *morbus corpus* detinet & cruciat; unde sæpe cum *probatis* cæteroquin *remediis* *Medicus corporis* *curationem* impetrare *haud* potest, ni prius *præjudiciosa animi* *qualitas emendata* fuerit: Inde facile liquet *quænam* dicatur *Medicina strategematica*, quæ non æque tantum cum *subjectis* aut *plene*, aut *semi* mente captis commercium habet, sed etiam cum *personis integra* quidem *ratione*, sed *distincta sensibilitate* & *imaginationis* valde *negotiosa activitate* præditis, *conversatur*: quare sæpe *Me-*

dici conqueruntur, de *ægotis morosis*, de *teneris ægris*, de *sensibilitate personali*, de *valetudinariis imaginariis*, quales considerationes, ad *praxin medicam* apprime spectantes, *Illustr. L. D. Stablius & D. D. Præses* variis diss. commendarunt & explicarunt: quemadmodum præsentem disquisitionem illustrant *D. D. Præsidis dispp. de Mente sana in corpore sano*, de *Motuum & Morborum consensu*, de *Morum mutatione sub morbis*, de *Ufu, lusu & abusu Phantasiæ in Medicina*, de *Therapia morali*, de *Therapia imaginaria*: & quamvis hæc Curatio morborum per *Strategema moralis* inventionis & fori esse videatur, tamen interdum *præter* hunc *moralem* respectum etiam *exacte medica* indicatio & operatio cum illa cura respicitur & perficitur, quando sub *vario* titulo, *desiderio & imaginatione* ægri satisfaciencia & quadrantia *remedia* offeruntur, quæ causis *physicis & corporis* morbum concernentibus, infringendis, quadrant; id quod in *variis* casibus magis illucescet: & quamvis hæc Medicina coram *ægrotis* quantisper quoad unam & alteram circumstantiam *simulare* videatur, tamen quoad *principalem* scopum & processum *ingenue, dextre, prudenter, perite & fructuose* procedit; quoniam *afflictæ & turbatæ* imaginationi aliquando indulgere & connivere convenit; similem methodum servant in certis casibus *Theologi & Philosophi Moralistæ*, quando *anxias & afflictas* mentes, non *legali* rigore coercent, sed aliquando *indulgento demulcent*, & in *primo* maxime *turbulento* statu quadrantenus *tranquilliores* reddunt, *perverfas* cogitationes, quæ præcipuum *impedimentum* afferunt, *corrigunt*, donec successive *alia media appropriata* adhibere queant: *Minime* vero per hanc Medicinam *strategema-*

gematicam intelligimus, illas *fraudulentas* actiones, quibus quis *primariò* suum commodum, *haud* vero *ægri* salutem, intendit, quibus porro quis *suam gloriam, ostentationem & avaritiam*, obfaturare nititur, quibus *malo dolo* *ægros allicit*, *ab aliis* clandestino modo seducit & *avertit*, fraudulentis *persuasionibus, adulationibus, malis simulationibus* ad se ducit, per varias *intermediatas* causas, sive *presbyteros* consanguineos, sive *mulierculas* loquaces & multa garrulitate civitates percurfantes, sive *obstetrices, sive chirurgos, sive postarum & diversoriorum* officiales & famulos, sive *missionarios, amanuenses, amicos, alios consanguineos &c.* modo illicito in præjudicium tertii, quin aliquando ipsius *ægri, numerosam* praxin sibi comparat, & ob hanc de *speciosa* experientia frivole & *gloriosè* superbit: de quali *illicito, malo & conscientiam violante* strategemate *minime* cogitamus, ne dum quidem tractare volumus, *minime* omnium possumus, quia nobis *tales astutiæ incognitæ* sunt, nisi *titulus* actionum talium nobis innotuerit.

§. III.

Sed quoniam in *hac* Medicina *Strategematica* processus quidam occurrunt, quibus Medicus *Sensibilitati & Infirmitati Animi & Corporis* in *ægroto* satisfacere debet, ut propterea interdum honestæ *simulationes & dissimulationes* occurrant, aut *falsa, incerta, dubia, ficta, &c.* pro *veris* promittantur, offerantur aut declarentur, ita mox *Quæstio* illa proponitur: an non contra *conscientiam* sit, si *falsiloquium*, aut *mendacium* medicus committit? pro hac *decidenda* status controversiæ est instruendus juxta *subjecti* conditionem: nam idem Apostolus, qui *Rom. XIII, 8.* dixit, *quod non sint facienda mala, ut inde eveniat bonum,*

confessus etiam est 1 Cor. IX. 22. quod *factus sit infirmis, ceu infirmus, ut infirmos lucri faciat*, ita aliquando *Medicus imitatur Apostolum*: æstimanda & dijudicanda itaque erit actio medici, non *in se & simpliciter*, sed *relative* quoad *intentionem & inventionem*, quoad *finem & destinationem*: nam quæcunque actio *frivole & ludicre* suscipitur, quæ nullum *probum & ingenuum* finem complectitur, illa est *contra* conscientiam & *illicita*: si itaque medicus *justo modo proximi salutem* respicit, tunc illa actio, quæ *suspecta* videri posset, etiam ex parte *moraliter bona* est: jam vero *idea* illa, quæ in ægroto aut valde *sensibili*, aut *moroso*, aut *mente turbato* occurrit, licet *realiter falsa*, tamen *juxta subjecti afflicti cognitionem*, aut *vera & præsens*, aut *apparens* existit; quare medicus si morbo *animi* in ægroto satisfacere & succurrere satagit, non *absolute ficta*, falsaque, sed *talia* tractat, quæ ægro *videntur vera*; quare *minus indiscriminatim* mendacia, *simulationes*, fraudes, falsiloquia committit, sed *infirmo* ita *infirmus* evadit, ut inde *illius sanitas* recuperetur: haud tamen talia committit, quæ *superstitiosa*, quæ *gloriam Dei* offendunt, quæ *absolute* conscientiam *lædunt*, sed quæ *fideliter & ingenuè* administrantur; qua actione cordatus, religiosus & conscientiosus, nec non peritus & judiciosus Medicus regulam apostoli observat 1 Cor. XIV. v. ult. *omnia decenter fiant & ordine*: Si itaque *morbus corporis* levare & curare non potest, ni prius *morbus & afflictio animi* necessariam *correctionem* obtinuerit, tunc interdum *talis* methodus *extra regulam*, non vero *contra* illam, conceditur & probatur: interim *conscientiosi* medici officium etiam est, ne ægrum, *sana mente præditum*, attamen *morosum*, aut *ni-*
mis

mis sensibilem & imaginarium in idea quadam *superstitiosa* & *honorem DEi* & *conscientiam* violante *confirmet*, sed *possibili lenitate*, *modestia* & *mansuetudine* ad *melio- rem* cognitionis frugem promoveat: hanc quæstionem, breviter ventilatam non modo prædicti authores proposuerunt & deciderunt, sed & pro suo scopo *Trautmann in cit. disp. de strategematibus Advocatorum*, nec non *Struvius in disp. de Dolo-bono* defenderunt, explicarunt & applicarunt. Quare in hac actione Medica non *fucus* occurrit, sed *bona intentio*, qua *ægri animi & corporis sanitas* verus & sincerus scopus est: neque hoc loco necesse ducimus, quo multa *exempla* ex *Sacra Scriptura* proferamus, ut ipse *Bened. Salvator Luc. XXIV. 28. se gessit*, *quasi ulterius perrecturus esset*: *Er stellet sich, er thäte, als wolt er ferner gehen*: ita *populus DEi* in *præliis* aliquando *simulavit* fugam: *David simulavit amentiam*, *Salomo simulavit jussu suo divisionem controversi infantis*, qualia similia exempla in *V. & N. Testamento* uberiora occurrunt: Et quamvis hac decisione *mendaciis* ex *necessitate* coactis verba *defensoria* haud faciamus, probe scientes, quod illa mendacia coram divino judicio æque pœnæ subjecta, *Noth = Lügen sind im göttlichen Gericht nicht schlechterdings unschuldig, frey und erlaubt*, tamen in *præsenti* casu non concedimus, neque adseveramus, quod *Medicus* cura sua *strategematica* tale mendacium perpetret; quin rectius adseveramus, quod ipse *falsas* opiniones, & *præjudicia* æg-
rum ita præparet & *judiciose* dirigat, quo non modo ab illa *falsa idea* liberetur, sed & a *connexo corporis morbo* restituatur *patiens* subjectum: & quemadmodum remedia non *absolutam* vim medicamentosam aut *salutiferam*
ha-

habent, sed *respectu* certarum *circumstantiarum*, ita medicus *aliquando* vomitorium, catharticum &c. offerre potest, quod *non in genere*, sed *in hoc individuo talem* effectum exserit: quare secundum *diversam* relationem & interpretationem, Medicus *veritatem* dicere potest, si ægrotum *certum* facit, quod *uno eodemque* remedio ipsi aut vomitorium, aut *minus* tale, aut catharticum, aut minus tale propinet &c.

§. IV.

Quo vero hæc Medicina *prudenter* exerceatur, præstat nonnullas *Cautelas* observare, quo speratus & desideratus effectus facilius & certius obtineatur: 1) quia hæc cura *reservatas* condiciones, *limitationes* & *speciales* qualitates habet, propterea *ultra suam sphaeram* haud extendi debet; quamobrem ratio *subjectorum* & *morborum* habenda est, quoniam in illis hominibus & affectibus, ubi *regularis* methodus satisfacit, *talia* refugia feligere haud convenit: quando itaque patientes *animo tractabiles*, morigeri & *consuetis bonis* consiliis obtemperantes deprehenduntur, non necesse erit, tali *circumventione* illos corrigere, quippe qui *idea erronea* non obruti & occupati sunt, adeoque *consuetis* adminiculis auscultant: 2) non præstat *præcociter* hanc medicinam adhibere, sed *aliquales*, *comparate congruas*, *præparationes* adhibere, ne *sinistræ motuum* mutationes & plane *perturbationes* excitentur, neve in quibusdam casibus causa morbi *materialis subito* commoveatur, exacerbetur & in *perniciosum* effectum præcipitetur: 3) non convenit hanc curationem *nimum* cunctare, neque *serius* applicare, quando nunc *vis morbi* adeo accrevit & *motuum ataxias* & partium *fluidarum*

ac *solidarum immutabiles* alterationes excitavit; quo tempore expectatus *salutaris* effectus fallit: 4) personis æque *judiciosi*, *integra* ratione præditis, animo vero *sensibilibus* & multis *intricatis* ac *contumacibus* idearum persecutionibus operosis, medicinam *talem* crasso modo ordinare haud convenit, ne *strategematis scopum* facile *penetrent* & *ægre* ferant, unde contingit, ut hac methodo *offendantur*, ob *illusionem*, quam arguunt, in gravem *indignationem* transeant, eamque ob rationem magis exacerbentur & lædantur, sub accusatione, *man wolle sie betriegen*, *assen ic.* id quod præcipue in personis *eminentioris* characteris & potestatis male succedit, quæ talem medicinam haud in *optimam* partem interpretantur, sed sub *morbosa* afflictione a medicis *absolutum* obsequium & curationem infallibilem, ita instructam & qualificatam dominio suo postulant, qualis ipsis *placet*, non quæ in *artis potestate* & præsentis casus *rationali medica methodo* consistit: 5) hæc cura modo *abscondito* & secreto administranda est, ne videlicet aut *ante*, aut *sub*, aut *proxime post* illam afflicti patientis adhibitum *strategema* penetret & *agnoscat*, alias aut *pristinum* malum relabitur, aut *alia nova* pathemata superveniunt: quo pertinet *observatio Cabrolii* g. de juvene a *melancholia hypochondriaca* astu ad tempus liberato, *fraude vero cognita*, in eundem affectum brevi relapso: ita enim communiter evenit, ut *arcano detecto* & quando patientis percipit, quod *callido* modo tractatus fuerit, varii *animi* affectus, *indignatio* videlicet, *pudor*, *sollicitudo*, *suspicio*, *metus*, *angor*, *dissidentia*, &c. coincidunt, qui non modo præsentem, aut prævium morbum *exasperant*, sed varia *nova prava accidentia* morbosa invitant: 6)

talis cura non facile remediis *fortiter* operantibus perficienda est, quoniam ejusmodi subiecta in *irregulares* motus admodum proclivia sunt, qui *talibus* remediis cito provocari solent, proinde ipsa *subiecta ægrotantia* insolitos effectus aut *inconsuetas* alterationes, in corpore suo obvias, admodum *speculabunde* & attente observant, indeque facile alterantur, dum videlicet operatio remediorum *vehemens* est, quæ corpus *nimum* afficit, insuperque afflictum *animum* in *consensum* ducit: quamobrem sub hac Medicina remedia *comparate* & *ut plurimum mitius* operantia, attamen etiam, *efficacia* ordinanda sunt: 7) in subiectis *omni-mode mente captis* & sensu *discretivo* ob amentiam destitutis, hæc Medicina locum non invenit: etenim licet *maniaci* & *summo* furore correpti *vi, vinculis, verberibus* coerceri queant, haud tamen illum *peculiarem* sensum habent, quo hac Medicina *in melius* facile aut prompte redigi queant: 8) in *infantibus*, quamvis hæc curatio non *multum* usum habere videatur, tamen non penitus *rejicienda* est, siquidem in iisdem, ob crebram medicamentorum *aversionem*, multiplex inventio excogitanda est, quo modo in *necessitate* urgente, sub *varia formula*, variis *occasionibus* & sub variis *persuasionibus* ipsis *salutaria* auxilia propinari queant: tanto magis hæc cura in *illis* infantibus locum invenit, qui jam *discretivo* sensu præditi & quoad remediorum *ingestionem* valde *immorigeri* sunt: 9) haud tamen *quilibet* hanc in se suscipiat curam, quoniam hæc non modo *exercitatum* & *peritum*, sed & *judiciosum, ingeniosum*, in variis casibus *probatum* & *versatum*, requirit medicum: quare in intricatis talibus affectibus non semper quilibet consultum invenire & ordinare potest auxilium, quoniam

intri-

intricati casus, non æque nudis remediis, sed præter hæc, aliis inventionibus & ingeniosis persuasionibus curari debent. 10) cavendum etiam est, ne hæc medicina in uno subjecto eodemque affectu frequentius adhibeatur, alias facile patiens diffidentiam quandam concipit & speratus effectus non consequitur, siquidem ejusmodi personæ mox a primo quodam experimento, aut auxilii usu, effectum bonum expectant, aut ex frustratione illius effectus deceptionem & illusionem quandam suspicantur: 11) cautela etiam observanda est, ne talis curatio inopportuno tempore adhibeatur, quando patiens valde immorigerus est, nec ullis monitis & pollicitationibus auscultat, sed multis confusis ideis obrutus est: quo tempore talis Medicina aut nihil utilitatis affert, aut contrarium effectum exferit: denique 12) hæc Medicina non suscipienda est, quando patiens non sufficienti confidentia in Medicum instructus est, sed potius diffidentiam erga ipsum fovet, aut quando æger sufficienti imaginationis efficacia non præditus est, quoniam hæc Medicina principaliter imaginationis subsidio salutarem scopum impetrat.

§. V.

In Specialiori hujus thematis explicatione, nunc aliquot casus & occasiones recensere placet, in quibus Cura hæc locum invenit: ubi haud existimandum est, quasi tantum Melancholia afflicti, interdum per strategemata Medica ad meliorem animi & corporis statum deduci queant, sed occurrunt etiam casus ubi hominibus non mente captis illa Medicina cum fructu adplicari potest: Hoc ordine itaque primo mentionem facimus Infantum, aut morbis correptorum, aut proximius in eosdem inclinantium. Et sane

Curationes morborum infantilium inter alia offendicula admodum *difficiles*, operosas & *odiosas* reddunt, ægrotantium eximia *resistentia*, extrema medicamentorum *aversio*, distincta *impatientia*, nec ulla facile *persuasione* corrigenda repugnantia, ita ut consultum haud sit, cum *vi* & *coactione* infantibus remedia *obtrudere* & ingurgitare velle, quoniam ob vehementem illorum *renisum* aut motus *convulsi*, aut præsentis affectus *exacerbatio*, aut *novorum ominosorum* symptomatum convocatio, aut plane obtrusorum remediorum *contraria* operatio metuenda sunt; quare de variis *technis* inveniendis & *medici* & infantes tales tractantes alii homines solliciti sunt, quo v. g. *certo tempore*, quando videlicet infantes *sopore* quodam obnubilati sunt, wann Sie voll Schlaffes sind, aut in *certa formula*, aut sub *potu*, *pulpamento*, *cibo*, *lacte*, &c. remedia ipsis offerant: ubi vero satis frequenter contingit, ut ejusmodi *renitentes* infantes, mox ex *aliorum gestibus*, ex *odore*, *colore*, *sapore*, &c. clandestinam remedii oblationem arguant, propterea in futurum omnem potus ingestionem respuant, ut testimonia inde occurrant, Das Kind sey gar zu listig, es mercke gleich, wann man ihm etwas einbringen will, man verletze ihnen so gar das Trinken, woran sie sich in der Krankheit noch erholet und gelabet, sie schmachteten numehro lieber, und müsse man sich befürchten, daß sie Deswegen sterben oder kräncker werden möchten: man müste es also gehen lassen, wie es Gott füge: man könnte und dürffte sie nicht weiter mit Einnehmen quählen: interim aliquando *ejusmodi inventiones, technæ & strategemata* in Cura Infantum *ad vota* succedunt: sicut etiam hic mos matribus familias usu receptus est, ut *Ablactationem* tali *astutia* promoveant, quando certam

over-

aversionis ideam in infante excitant; aut ut *potum nocturnum* infantibus *adversum* reddant, dum *sapori adversa* potui immiscent, adeoque ab eodem infantes diducunt: ita etiam *similis* muliercularum mos est, quando in quibusdam morbis, *insipida* & innocentia potui commiscent, velut C. C. fin. ign. aut absorbentia cum pulpamento conjungunt: in tali necessitate itaque *Medici* suis inventionibus subveniunt, quando v.g. cum *dulcibus* subjectis, *medicamenta* combinant, adeoque saporem fallunt, quando sub morsulis, rotulis, passulis, prunis, fructibus conditis &c. medicamenta ingerunt; quando sub somno *externa expectorationem* promoventia, *alvum* moventia, *revulsorium* effectum præstantia, aliquando *vesicatoria* &c. applicant: quas singulas operationes admodum clanculum & callide perficere adeoque *immorigeros* infantes astu & *strategemate* quodam *circumvenire* debent: interdum circumstantiæ & necessitas requirunt, ut infantibus *laxantia*, *diaphoretica*, *stomachica*, *mundificantia* &c. *sub lactatione*, quando *talia* remedia, *antea lactantibus* scæminis propinantur, quæ posthac in infantibus prædictos effectus exserunt: nonnunquam potui *consueto*, quo sæpius infantes utuntur, aquas destillatas, *non multum saporem* illius potus *alterantes* commiscere licet, ut propterea communis innotuerit elocutio, man müsse allerley mit Kindern versuchen und vornehmen: quo titulo tamen minime *anilia*, *fabulosa*, *superstitiosa* & hujus commatis alia intelligimus, quæ sæpe sub tegmine *simplicium* & *domesticorum* commendantur, qualia experimenta & *conscientiæ* communi & *scientiæ* ac *peritiæ* medicæ *contraria* esse declaramus: tanto magis vero necesse est, *varias practicas* inventiones in *infantiliū*

morbis curatione observare & commendare, quando *aliis* occasionibus ejusmodi subjectis tenellulis & pusionibus *aversio* a medicamentorum ingestione excitata fuit: interim & illud judicium & strategema medicum est, si sub morbis infantilibus *illa potulenta & esculenta*, quæ medicamentorum vices servare debent, non ægrotis tenellulis *adversa* redduntur, id quod facile accidere potest, quando infantes vel primo *sensus discretivi* alacriori facultate præditi, advertunt, quod talia *ordinaria* potulenta & esculenta, *medicamentorum* oblationem supplere debeant, id quod ex aliorum, hæc subjecta offerentium, simulatione, gestibus, loquela, concertatione &c. astuti infantes aliquando facile colligere possunt.

§. VI.

Quam *molliter* & indulgenter sæpe *Fæminæ* in morbis tractari debeant, crebræ observationes testantur; hæ enim in *nauseam* & medicamentorum *aversationem* pronæ & præcipites sunt, hæ in *vi imaginationis* admodum operosæ & efficaces, in *adversis, pravis & suspectis* accidentibus fingendis laboriosæ, in *animi pathemata* valde proclives sunt, præcipue in *indignationem & pudorem* cum *iracundia & metu* conjunctum; ob quas qualitates medicus sæpe *salutaria* consilia & auxilia applicare haud potest: quam ob rem tanta sæpe in iisdem subjectis adest *repugnantia* & contumacia, ut potius *mortem* subire, quam hoc aut illud remedium adhibere malint: inde etiam aliquoties contingit, ut *opportunitas fructuosa* in methodo medendi præterlabatur, adeoque *vis morbi* ita accrescat, ut *nulla vi artificiali* eidem amplius *resistere* liceat: quid quod innumeris exemplis comprobatum est, quo-

quomodo *harum* qualitatum Fæminæ nonnunquam ex *diffidentia* & abhorrescentia *Medici* remedia respuant, interdum ipsum *nomen* remedii adversentur, aliquando *colorem, saporem, odorem, formulam, molem, modum* ordinandi, *repetitionem* &c. valde abhorrescant, variasque *confusas* & angentes ideas forment; unde non modo *morbi augeſcunt*, sed & *vis remediorum* infringitur, aut plane remedia *reji- ciuntur*: non raro itaque contingit, ut *hujus* indolis fæminæ ægrotantes nullis persuasionibus & precibus, *remediorum* oblationem & ingestionem concernentibus, annuant, ob talem statum interdum tales personæ *divinæ* providentiæ & prognostico relinquendæ sunt: & licet *Septalius in animad. & cautel. lib. 1. §. 8.* ad officium *Medici* requirat, quod etiam *persuadere* sciat & *Plato Lib. I. de Legib.* afferat: *Medicus primum doceat & persuadeat, quid sit ægro faciendum, & non prius imperet, ita promptius parebit*; tamen in præſenti statu hæc monita & consilia haud ad *exoptatum* effectum deduci possunt; quoniam *sequioris* sexus *repugnantia* sæpe valde *pertinax* est & quo *magis* *medicus* *persuadere* contendit, eo *magis* personæ afflictæ *offenduntur* & in nocivam *indignationem* ruunt: hanc ob causam *alia consilia* velut *ex arena* capere, & occultas *inventiones* *medici* judiciosi & probati seligere debent, ut videlicet *clanculum*, in iusculis, decoctis, potulentis remedia, sapor non facile manifesta propinentur; quando vero tali modo remedia offeruntur, tunc fæminæ haud *insolito* modo & more ad illorum liquidorum & *ordinariorum* potulentorum assumptionem persuaderi debent, ne intentionem *occultam* advertant & in *adversum* aut *nocivum* animi affectum ruant: ob id etiam refert,

ne

ne talia remedia *majori mole* exhibeantur, qua facile *strategema produnt*, neve valde *crassa* exhibeantur medicamenta, quæ in *sensibilibus* & delicatis personis facile *sub dentibus* se manifestant, qualia sunt *grossiora absorbentia*; quin potius *repetitis* vicibus sufficienter *levigata* & *rarefacta*, insinuentur: ita etiam *adverse* sapida, salina, amara non facile exhibenda sunt: & quoniam ipsæ fæminæ, satis sæpe *valde callidæ* sunt, ita *majori* prudentia opus est, si in illarum curatione *Strategemata Medica* cum *fructu* adhiberi debent: proinde *illa* occasio etiam arripienda est, quo sub *confortantibus* & sic dictis *cordialibus* diæteticiis mediis, quæ fæminæ perquam *amant* & desiderant, sub communi titulo einer *Herzstärkung*, ipsis *alia utilia* remedia intermisceantur: in qua necessitate ut plurimum *Medicina diætetica* & per *simplicia domestica* efficax, multam *utilitatem* promittit: quare in *talium* mediorum cognitione & inventione versatus, exercitatus & promptus esse debet Medicus: etiam eadem in *necessitate* aliquando *topica* a fæminis talibus *sensibilibus* admittuntur, quæ vero non cum *adverse olentibus*, aut qualicunque modo ejusmodi subjectis nauseam & *aversionem* elicientibus, commiscenda sunt, alias illa confestim *removent*, nec unquam *alia* admittuntur, quin potius inde *moraliter* & *physice* offenduntur; denique quoad hæc subjecta, nonnunquam *verbalia* strategemata, pro circumstantiarum ratione, in usum trahere convenit, ut mediante firma *imaginationis* operatione in *talibus* personis obvia, *salutares* effectus quandoque promoveantur & obtineantur, cum qua *Medicina, præsentis* instituti, etiam *Therapia moralis* & *imaginaria* combinanda erit.

§. VII.

Hæc meditatio nos ad aliam ducit, qua in prosecutione nostri Scopi monstrare possumus, in *quali subjecto & statu* porro Medicina *strategemática* locum inveniat; videlicet *non raro* in Praxi Medica *valerudinarii imaginarii* occurrunt, quorum *D. D. Præses* in peculiari *disput.* amplio-rem mentionem fecit: cum hisce itaque & *moraliter & phy-*
sice valde *delicate* procedere convenit, quoniam horum subjectorum *scrupulosa & valde operosa* imaginatio morbos *excitare*, excitatos *exacerbare* & exacerbatos *immedicabi-*
les plane reddere potest & solet: tanto magis *hujus* quali-
tatis homines *aliis* mediis offendi possunt, ut propterea in illorum *medica* tractatione magna *prudentia* opus sit: & quamvis ejusmodi ægrotantes sæpe etiam *magno* deside-
rio *medicam* opem requirant, tamen vicissim facile evenit, ut *sollicitus & officiosus* medicus sua cura & vigilantia ipsos ita *anxios* reddat, ut exinde sui morbi *pestimum* gradum & statum *suspicientur* & interdum ipsi medici & adstantes titubent, quo modo talibus afflictis mentibus satisfacere conveniat, quo illarum desiderium *advota* impleatur: Ho-
rum subjectorum *imaginationi* in nonnullis casibus *indulge-*
re convenit, quamvis non semper *inventiones* practicæ re-
gulis *medicis exacte* quadrent: observanda tamen erit cau-
tela, ne admittantur & suscipiantur *talía* experimenta, quæ aut *actu nociva* sunt, aut *facilius nocere*, quam *juvare* pos-
sunt: haud vero nobis sermo hoc loco est, de *absolute cor-*
rupta imaginatione, sed de hominibus *integra* quidem ra-
tione præditis, *intricata* tamen, *speculabunda*, *scrupulosa*
& *anxia* imaginatione laboriosis, quorum impressioni *non*

directe, neque *rigorose* & cum *vi resistendum*, sed potius quavis *bona voluntate* & promissione obviam eundum est: hinc ejusmodi *ægri oblocutiones* & *contradictiones* perferre *hæud* possunt, sed ut plurimum absolutam obedientiam, indulgentiam & assensum, si non semper *aperte*, tamen *ta cito* desiderio requirunt, es soll alles nach ihren Sinn gehen: talibus *ægotantibus* interdum *promittere* quicquam licet, sed promiscue *servare* non convenit, ne *læsio* illis afferatur, unde promissa ad *aliud tempus* differri, aut *alio modo* & *ordine* instrui possunt & debent: provide tamen cum talibus subjectis procedere decet, ne illorum animus *irritetur*, neve ex ejusmodi affectu *damna* graviora oriantur: aliquando tales *ægri imaginarii* certa remedia, aut *omnia* medicamina odio & *aversione* prosequuntur; in quo statu nedum quidem illos aliqua *persuasione* allicere expedit, sed si *hæc* medicamenta ipsis perquam utilia agnoscuntur, in *alia forma*, aut *alia occasione*, aut sub *alio vehiculo*, de quo *minime* cogitant, quod *ullum remedium* comprehendat, offerenda sunt; (Conf. Thonerus Lib. 3. tit. *fastidium ciborum* &c. obs. 5. p. 145. tit. obs. ad *Cachexiam dispositus abhorrens a medicamentis*, *solertia medica restitutus* & quidem tali cura *strategemata*; ubi clanculum *ægroto* medicamenta sub *cibis* insinuata fuerant:) interim *securos* & certos illos reddere expedit, quod ad ipsorum voluntatem *nulla* pharmaca ipsis *obtrudi* debeant, sed quod potius bono *regimine*, congrua *dieta* & robore *naturæ* præsentis morbi *subjugatio* perfici debeat: inde aliquando contingit, ut, si de *remediorum* assumptione *non anxie* moniti fuerint, vel *sponte* eadem desiderent, sub illa aliorum exclamatione, man müsse sich nur in ihren Kopp richten, sie wollen ihren Willen haben, und zu nichts

nichis forciret seyn: inde etiam evenit, ut remedia, quæ sponte postularunt & placide ingesserunt, longe meliores operationes exserant, dum contra, quæ ipsis obtrusa fuerant, contrarios & perversos effectus edant: aliquando ejusmodi subjecta certarum virtutum medicamenta postulant, quæ quidem ipsis nociva, ad minimum haud secura sunt, quorum effectus tamen, si leniori modo consequeretur, haud inutilis esset, in quo casu ipsorum *imaginationi* indulgere & remedium quoddam exhibere expedit, sub persuasione, quasi illud sit, quod prius desiderarunt; inde iterum aliquando accidit, ut ob *imaginationem* ægri, ille effectus, *mitiori* tamen successu, consequatur, quem verum illud *alterum* remedium præstiterit, cujus tamen oblationem certæ quandoque circumstantiæ *prohibuerant*: quibus exemplis tantum demonstramus, quam vario modo, variaque occasione realiter *imaginarios* tales patientes *circumvenire* liceat: & quamvis haud nostrum propositum fuerit, singulos illos modos nominare, quibus *Strategematica* Medicina exerceri queat, (qualis peculiaris modus etiam allegatur in *A.N.C. Dec. 3. An. 5. 6. obs. 117. de asthmate periodico convulsivo singulari, stratagemate curato*) siquidem per temporum intervalla & per *subjectorum* & *morborum* conditiones, semper *novi modi* inveniri possunt; ut adeo in *reservatis* casibus *judicio* medico *inventio* talis relinquenda sit, tamen placuit hoc ordine indicare, quod utique hæc Medicina in *variis* casibus, sub directione *imaginariorum* *subjectorum*, congruum, imo quandoque *necessarium* locum inveniat.

§. VIII.

Singularem porro annotationem merentur ægrotantes *valde Sensibiles*, qui nonnunquam *ingeniose* tractari de-

bent, dum *levi* causa eximie *alterari* & offendi possunt; tales enim patientes modo respectu *methodi medendi*, modo quoad ordinata *remedia*, modo quoad *morbum ipsum*, modo ratione *tardius* apparentis *salubris* effectus oblatorum medicamentorum varias *exceptiones* formant, eaque propter in multiplicem *confusionem* & *diffidentiam* abeunt, ut dehinc medicus *multo* opere tales personas iterum *complacere* & de *meliori* instruere, pro eodem etiam fine *prudenter* *prætegmate* aliquando uti debeat: in hac sollicitudine præcipue attentionem merentur ægrotantes personæ de *stemma celsiori* pendentes, adeoque ab ipsis medicis non *officia*, sed *servitia* expectantes, quæ ob stirpis & *dignitatis* suæ eminentiam *communiter* in morbis valde *sensibiles* sunt, cum quibus valde *molliter* & *delicate* procedendum, Die man nie ein roß Ey tractiren muß, quæ *plures* interrogationes a medico ægre perferunt, sed tantum *brevi* intervallo *infallibilem* opitulationem requirunt: quibus conscientiosus & cordatus medicus regerere potest cum Rege Israelitarum 2 Reg. V. 7. *num Deus ego sum, ut occidendi vitamque conservandi potestatem habeam!* in talibus itaque subjectis medici *instructi* & *præparati* esse debent, quo in variis casibus *peculiaribus* inventionibus eadem circumveniant, quo *salutarem* scopum acquirant: ut ut vero in genere talia sensibilia subjecta *circumspecte*, *leniter* & *delicate* tractari debent, attamen *non consultum* semper est, ut juxta *illorum voluntatem* medendi methodus instruatur; si itaque *providus* medicus advertit, quod manifesta *oblocutio* eadem offendat, ita *verbis* illorum *nutui* indulgere, *factis* vero *aliis* adhibere potest, quæ ipsis maxime *salutaria* &

necessaria sunt: si etiam pro sua sensibilitate *cordialia* & *analeptica* valde desiderant, tunc *præter hæc illa* etiam *conmixta* præbeantur, quæ *præsentî morbo* statui *præcipue* conducunt: si sensibiles patientes non modo *crebram* remedium ingestionem, sed & *multiplicem variationem*, ob metum mortis, urgent, tunc ipsis quadantenus *commovere* expedit, ut *doses* medicamentorum partim *minuantur*, quo *frequentius* propinari queant, partim quo *medicamenta*, quæ *femel utilia* esse judicantur, in *variante formula*, aut *aliò sapore* prædita exhibeantur. Ita etiam in *aliis* casibus *comparate* medicus ingeniosus & judiciosus procedere debet, ne *sensibiles* ægros offendat & tamen illorum *mollitiei* satisfaciât: Hoc ordine reminiscimur etiam *talium* ægrotantium, in quibus *certa hæreditaria dispositio* quandoque certa, congrua & *secura strategemata medica* requirit, qui patientes alias etiam perquam *provide* tractari debent: etenim vi hujus *dispositionis* quidam homines *sanguinis* conspectum valde averfantur, quibus tamen interdum *evacuatio sanguinis valde necessaria* existit, in quali casu deliberandum est, ut talibus personis sub *profundo* quodam *somno* vena circumspecte fecetur, aut *hirudines* diversis corporis locis applicari queant: quod consilium si locum haud invenit, alio *ingenioso* modo tentandum est, quo ipsis *privative* sanguis molestus minuatur, per *victum* & *potum* *renewem*, nec *multum alimentosum*, ubi clanculum ipsis e *culina* & *cella aquosiora* minusve pingua subjecta exhibeantur: interdum quidam homines *vomitória* perferre nequeunt, quibus, quando *vomitûs utilis* decernitur, aut cum *aliò innocenti*, paululum tamen *sapori adversa* remedio, aut

alio modo *nausea* excitante, aut paulo largior *aquosorum* vel *oleosorum* congruorum ingestio concedenda, quæ perinde nonnunquam vomitum provocant: ita similis com-
moda inventio locum tenet, quando *alvum moventia* tales homines perferre *haud* possunt, quibus clanculum *mitius laxans* sub *alio titulo* exhiberi potest: non minus quando-
que *certam* remedii *formulam*, certum *saporem*, *colorem*, *odorem*, ob eandem *hæreditariam* dispositionem tolerare minus valent: quibus propterea alii *occulti* modi seligi debent, qualibus remediorum præsentis qualitates *sufficien-
ter* immutari possunt: ubi tamen sciendum, quod cum *exi-
mio sensibilitatis* gradu ejusmodi personæ *tales* remedio-
rum qualitates percipiant; unde consultius *alia* remedia, *alterius* saporis, odoris &c. *ejusdem* vero virtutis substi-
tuuntur: quamvis *color* remediorum facilius *occultari*, aut *formulæ* citius *mutari* queant: *eadem* monita concernunt etiam rationem *Idiosyncrasie*, in certis subjectis obviæ, cum quibus *simili* modo procedere convenit; quamvis ad hæc subjecta *eædem* regulæ & animadversiones applicari queant, quæ in præced. 7. §. commendatæ prostant.

§. IX.

Seorsim vero mentio injicienda est *Melancholicorum*, *Strategematica* cura reſtitutorum: etenim constat, quod tales homines interdum *lepidas*, attamen *pertinacissimas*, *imaginationes* habeant, quibus morbum suum probare volunt & *sustentant*: diversa hujus Medicinæ Specimina a variis observatoribus proferuntur; qualia referuntur a *Rejessio*, *Bohnio*, *Heurnio* locis supra allegatis, a *Zac. Lusit. in Praxi admir. Lib. 1. obs. 48. de Melancholico, qui arbitra-*
tur

ut se perpetuo frigere, ingenio curato & obs. 49. de Melan-
cholico, qui perpetuo exclamavit, peccata sua nunquam a Deo
esse remittenda, æque ingeniose restituto: conf. ejusd. auth.
Hist. Med. Princ. Lib. 1. hist. 37. obs. 39. conf. Camerarius in
Sylog. memorab. Cent. 4. partic. 1. quo loco author provocat ad
Heurnium (cujus historiam astu curati morbi allegat) Lemni-
um & Döringium: A.N.C. Dec. 1. an. 3. obs. 49. an. 10. obs. 41. Dec.
3. an. 1. obs. 14. quo loco Paræi verba allegamus in introduct. ad
chirurgiam p. 36. aliquando Technas in curando morbo, va-
frumque quoddam consilium sequimur, cum occurrentis mor-
bi essentia plane cæca est & abdita, vel quod naturæ sit peni-
tus abdita & latentis, quæque manifestis qualitatibus neque-
at explicari, vel quod in subjecto insideat, quod nec nobis sa-
tis notum est, nec medicæ existit contemplationis, cujusmo-
di est animus: mox author talia exempla commemorat sub-
jectorum strategemate curatorum: Solenander Sect. 5. conf.
15. n. 18. Quercet. diætet. Cabrolus obs. 12. Schenckius Lib.
1. ubi de Melanch. agit: obs. ult. Hagendorn Cent. 1. hist. 44.
de Melancholicis strategematibus curatis: quas relationes
author hisce inchoat verbis: mirabile phantasma sedet ani-
mis melancholicorum, nonnisi mirabili arte corrigendum:
Tulpius lib. 1. cap. 18. Th. a Veiga in coram. in art. med. Ga-
len. Cardan. lib. 19. de subtil. Marcell. Donatus de medica
Historia mirabili Lib. 2. cap. 1. p. 93. 94. 95. præter multos
hosce authores, varii adhuc mirabiles Melancholicorum i-
maginationes testantur, in quibus Celsi monitum Lib. 3. cap.
18. quod melancholicis magis assentiendum, quam repugnan-
dum sit, applicari potest; etenim quo magis Melancholia
inorbose afflicti sunt homines, eo magis operosa, confusa
&

& *contumax* est *vis imaginationis*: quo magis huic quisquam *resistit*, eo immoderatioꝝ & *impetuosior*, imo magis *turbulenta* illa redditur; quamobrem illorum *perversæ* opinioni ita subveniendum est, ut *ingenioso* quodam modo *objectum* illud removeatur, circa quod *sollicite* & *anxie* homines versantur, ejusque *remotionem*, aut *emendationem* enixe desiderant: hoc etiam modo ita afflicti homines *aliorum remediorum* usum admittunt, qui potius sub alia *adversa morali* correctione, *morosa* & *rigorosa* reprehensione, aut castigatione *pertinacissime* medicamentorum ordinationem *respuunt*, adeoque *animo* magis *confusi* & *corpore* gravius ægrotantes evadunt: hinc *prudētis* & *ingeniosi* medici officium est, quo ejusmodi hominis *perversam ideam* primum corrigat, *animum* subinde *leniat* & tranquillet, inde *facilius* reliqua *physica* corporis afflictio aliquando curari potest & solet; id quod in prædictis exemplis abunde patescit: interim etiam cum ejusmodi miseris personis quoad *talem* curationem *præcautio* observanda est, ne *strategema*, aut circumventionem agnoscant & *penetrent*; alias aut *pristinum* malum *majori* vehementia revertitur, aut illæ personæ ita *confusæ*, *morosæ* & *intractabiles* evadunt, ut *nullis monitis*, *persuasionibus* & *consiliis obtemperent*, sed potius in *qualibet* tractatione *fucum* & *dolum* perniciosum *suspiciuntur*: interim minime judicamus, quod in talibus ægrotis *nuda hæc* medicina niti deceat; quin rectius affirmamus, quod antea per *congrua alia* auxilia *generalis*, imo interdum *specialis* præparatio *corporis ægrotantis* instituenda sit: interea quoad reliquam tractationem, tales afflicte personæ singulari

lari *lenitate* & *moderamine* dirigendæ sunt, ne unquam i-
 psis *diffidentia* oboriatur, erga illos, a quibus *ingeniosa* ta-
 lis medicina ipsis præscribi & ordinari debet: attamen in
 ejusmodi Strategematica Medicina cum talibus ægris *serio*-
se, non vero *jocose*, aut *morose* procedendum est, quo ali-
 qualis *confidentia* & *spes* de obtinenda *sanitate* in iisdem eri-
 gatur: quibus regulis adhuc addimus, ut talis *ingeniosa*
 Medicina tempestive adhibeatur, priusquam affectus tam
 quoad *animum*, quam quoad *corpus* *firmiores* radices ca-
 pssivit: interim etiam maxime necessarium est, quo sub
 hac *curatione morali*, congrua *medica* auxilia ordinentur,
 ne ob remedium *pharmaceuticorum perversorum* usum,
corporis pathemata exacerbentur, unde *animi turbæ* sem-
 per *nova irritamenta* nanciscuntur, adeoque iterum hæc
 medicina strategematica *speratum* effectum haud sortitur,
 sed potius *præsens* affectus, tam quoad *animi*, quam quo-
 ad *corporis* ærumnas magis increbescet: ex quibus obser-
 vationibus & regulis, *generice* allegatis, facile inclarescit,
 quod in *Melancholicis* subjectis hæc Medicina nihilominus
 perquam *judiciose* administranda sit: juxta dictærium,
 weiln die Narren manchmahl comparate flüger sind, als man
 meinet.

§. X.

Denique in nonnullis casibus & circumstantiis *con-*
scientiosus & *judiciosus* Astus Medicus committi potest,
 quando ægris valde *sensibilibus* & *imaginariis* gravi-
 tas & *periculum* morbi non *subito* & *anxie* aperitur,
 ne præ *timore* ægri certius & citius *vita* priventur,
 qui sub *aliquali* animi *præsentia* & *continentia* peri-

culum morbi juxta spem humanam medicam superare forte potuerint: & licet conscientiam medici violet, si tales ægros de nulla periculo securos reddere, aut gravem morbum absolute levem facere, aut certam & indubiam sanationem promittere velimus, tamen prudentis medici officium est, ne periculum quale est, adeo eximium significet, interim morbi gravitatem quidem, ut quadantenus indicet, necesse est, perinde vero qualibet consolatione ægrum erigat, divinæ providentiæ, directioni & bonitati illum committat, neve omnimode desperet, illum admoneat, omnemque possibilem humanam opem & sollicitudinem promittat; in tali itaque necessitate præstat potius ægrum in spe & confidentia erigere, quam penitus prosternere; nam & ipse Medicus in periculosissimo statu sub aliquali spe officium suum exequitur: vero ubi omnis spes decollat, tunc etiam ab omni remediorum ordinatione abstrahit: Sicut porro periculose ægrotantibus, ob conniventiam, non morose sanitas deneganda, ita non audacter promittenda est; interim ipsi ægri sæpe in morbis sentiunt, se sanitatem haud impetraturos, quare præmature illos angere, & prædictos timidos homines mox in primis morbi initiis perturbare velle, consultum haud est, quoniam animi magna vis est in morbos sublevandos & exacerbandos; inde innotuere formulæ loquendi, man müsse Denen Kranken die gefährliche Vorstellung und furchterliche Gedanken ausreden und ihnen vielmehr einen Muth zusprechen: minus vero conscientiae & prudentiae congruit, tales periculose ægrotantes nimis securos reddere: in quo casu aliquando status animæ spiritualis in
irre-

irreparabile incidit damnum, quo temerarius & *injuste* cal-
 lidus medicus ansam præbuit, qui non modo *quodvis* pe-
 riculum celavit, sed & longe *alios* decursus & eventus pro-
 misit, adeoque usque in ultimum halitum nimis securum
 reddidit patientem: de qua meditatione *conf. D. D. Præ-*
sidis Medicinæ Theologicæ disput. 2. p. 70. de Conscientia me-
dica: disp. 1. de Religione Medici: nec non *Rejesius, Bobni-*
us loc. sup. cit. quam ob rem superius monuimus, quod
 Medicina Strategematica ægroto *haud nociva* esse debeat:
maxima vero noxa est, si *anima* dispendium patitur, quæ
sua salute nullo modo privari debet: Præterea hæc Cu-
 ratio ita judiciose instituenda est, ne Medicinæ *ordinariæ*
 per *salutaria* & congrua remedia *naturalia* & *materialia*
 officiosæ, resistat, sed quo mutua ope una alteram *alle-*
vet; hinc multi monent & præcavent, ne alicui *medica-*
mentorum ingestio *tædiosa* & adversa reddatur, non müsse
 einem die Urkneyen nicht zuwieder machen: ob id aliquando
 Medicus in certis casibus illo strategemate patientem dis-
 ponere potest, quando ipsemet in conspectu ægri idem
 præscriptum remedium aliquando *verum*, aliquando *sup-*
posititium assumit: quando vero peritus Medicus suffici-
 enter & convenienter *corporis marbum* medicina *phar-*
maceutica subjugavit & curavit, si tunc vero *animi mor-*
bus tantum & *adhuc* subest, in illo casu non æque neces-
 se est, *ulterius* corpus *medicamentis* onerare, sed potius
strategematica hac Medicina *falsam* & *perversam* animi i-
 deam, aut *imaginationem* quietare, extinguere & emenda-
 re: Et hæc sunt, quæ præsentî themate, succincta qua-
 dam commendatione & deductione explicare volumus.

DEO

DEO humillimas gratiarum actiones tribuentes , quod
 sua Bonitate in hoc labore perficiendo nobis adesse vo-
 luerit: quem pariter devotissimis flagitamus precibus, ut
 sua benedictione & cœlesti directione efficiat , quo hæc
 Medicina, religiose, conscientiose, judiciose & fructuose
 exerceatur, insuperque alma ejus gloria proximique sa-
 lus constanter obtineatur, qui præsentis etiam
 laboris verus & sincerus
 erit

FINIS.

